

四庫全書

集部

欽定四庫全書

御選歷代詩餘卷五十一目錄

八十二字

薦山溪

歐陽修

黃庭堅

四首

晁補之

四首

李之儀

四首

賀鑄

毛滂 四首

李元膺

葛勝仲 二首

張表臣

周紫芝

謝逸

周邦彥 三首

晁端禮

曹組 二首

沈會宗

蔡伸

葉夢得

趙長卿

張元幹

劉子翬

曾覲 二首

楊无咎 二首

侯寔

辛棄疾

張孝祥

程垓

吳儆 二首

袁去華

張震 二首

杜旗

王千秋

姜夔

陸游
二首

謝懋

易祓

汪莘

洪璚

方千里

楊澤民

盧炳

陳允平

石孝友

三首

何夢桂

二首

蔡松年

趙可

張埜

劉基
三首

陳子龍

御選歷代詩餘卷五十一目錄

欽定四庫全書

御選歷代詩餘卷五十一

八十
二字

司經局洗馬掌局事兼翰林院修撰加二級臣王奕清奉

百校刊

驀山溪

一名陽春一名上陽春雙調八十二字中
間平仄稍有異處句法悉同無分體也

驀山溪

歐陽修

新正初破三五銀蟾滿纖手染香羅翦紅蓮滿城開偏

樓臺上下歌管咽春風
駕香輪停寶馬只待金烏晚
帝城今夜羅綺誰為伴
應卜紫姑神問歸期相思望斷
天涯情緒對酒且開顏
春宵短春寒淺莫待金杯煥

前調

黃庭堅

山圍江暮天鏡開晴絮斜影過梨花照文星老人星聚
清尊一笑歡甚却成愁別時襟餘點點疑是高唐雨
無人知處夢裏雲歸路回鴈曉風清鴈不來啼鴉無數
心情老嬾尤物解移人春盡也有南風好便迴帆去

前調

衡陽妓
陳湘

黃庭堅

鴛鴦翡翠小小思珍偶
睂黛歛秋波儘湖南山明水秀
娉娉嫋嫋恰近十三餘春未透
花枝瘦正是愁時候
尋芳載酒宵落誰人後只恐晚
歸來綠成陰青梅如豆
心期得處每不自由人長亭柳
君知否千里猶回首

前調

至宜州
寄陳湘

黃庭堅

稠花亂蕊到處撩人醉
林下有孤芳不匆匆成蹊桃李
今年風雨莫送斷腸紅
斜枝倚風塵裏不帶風塵氣

微嗔又喜約略知春味江上一帆愁夢猶尋歌梁舞地
如今對酒不似那回時書漫寫夢空來只有相思是

前調

黃庭堅

山明水秀盡屬詩人道應是五陵兒見山翁孤吟絕倒
一觴一詠瀟灑寄高閒松月下竹風間試想開襟抱
玉闕遙指萬里天衢杳筆陣埽秋風瀉珠璣琅琅皎皎
臥龍智略三詔佐昇平煙塞事玉堂心頻把菱花照

前調

飲酒

晁補之

譙園幽古煙鎖前朝檜搖落棗紅時滿園空幾株蒼翠
使君才譽金殿握蘭人將風調改荒涼便是嬉遊地
劉郎莫問去後桃花事司馬更堪憐掩金觴琵琶催淚
愁來不醉不醉奈愁何汝南周東陽沈勸我如何醉

前調

晁補之

金尊玉酒佳味名仙檜恐是九龍泉堪一飲霜毛却翠
何須說此只飲但陶陶燈光底百花春自是仙家地
星郎早貴慣見風流事留我不須歸倒尊空燭堆紅淚

飛鳬令尹才調更翩翩休弔古枉傷神有興來同醉

前調

毫社寄
文潛

晁補之

蘭臺僊史好在多情否不寄一行書過西風飛鴻去後
功名心事千載與君同只狂飲只狂吟綠鬢殊非舊
山歌村館愁醉潯陽叟且借兩州春看一曲尊前舞袖
古來畢竟何處是功名不同飲不同吟也勸時開口

前調

和王定國
憶廣陵

晁補之

揚州全盛往事今何處帆錦兩明珠鬢薔薇月中嬉語

朱衣白面公子似神仙登雲嶼臨煙渚狂醉成懷古
蘭舟歸後誰與春為主吟嘯我重來倚瓊花東風日暮
吳霜點鬢流落共天涯竹西路高陽侶魂夢應相遇

前調

次魯直
長沙韻

李之儀

青樓薄倖已分終難偶尋徧綺羅間悄無箇眼中翹秀
江南春曉花發亂鶯飛情漸透休辭瘦果有人相候
醉鄉路穩常是身偏後誰謂正歡時把相思翻成紅豆
千言萬語畢竟總成虛章臺柳青青否魂夢空搔首

前調

北觀
避暑

李之儀

金柔火老欲避幾無地誰借一檐風鎖幽香惜惜清邃
瑤階珠砌如膜遇金甌流水外落花前豈是人能致
擘麟泛玉笑語皆真類惆悵月邊人駕雲輶何方適意
么絃咽處空感舊時聲薰易歇恨偏長魂斷成何事

前調

米石
值雪

李之儀

蛾睂亭上今日交冬至已報一陽生更佳雪因時呈瑞
勻飛密舞都是散天花山不見水如山渾在冰壺裏

平生選勝到此非容易弄月與燃犀漫勞神徒能驚世
爭如此際天意巧相符須痛飲慶難逢莫訴厭厭醉

前調

李之儀

晚來寒甚密雪穿庭戶如在廣寒宮驚兩目瑤林瓊樹
佳人乘興應是得歡多泛新聲催金盞別有留心處
爭知這裏沒箇人言語撥盡火邊灰攪愁腸飛花舞絮
憑誰子細說與此時情歡暫歇酒微醺還解相思否

前調

賀鑄

楚鄉新歲不放殘寒退月曉桂娥閒弄珠英因風委墜
清淮鋪練十二玉峯前上簾櫳招佳麗置酒成高會
江南芳信目斷何人寄應占鏡邊春想晨妝膏濃壓翠
此時乘興半道忍回橈五雲溪門深閉壁月常相對

前調

東堂

毛滂

東堂先曉簾挂扶桑暖畫舫寄江湖倚小樓心隨望遠
水邊竹畔石瘦蘚花寒秀陰遮潛玉夢鶴下漁磯晚
藏花小塢蝶徑深深見彩筆賦陽春看藻思飄飄雲半

煙拖山翠和月冷西牕玻璃瓊葡萄釀旋落醪醖片

前調

上元

毛滂

嬋娟不老依舊東風面華燭下珠鉶盛寒裏春光一片
不教暮景也似每常來水精宮銀色界今夜分明見
碧街如水人影花凌亂誰在柳陰中小妝寒落梅數點
詩翁獨倚十二玉闌干露濛濛雲冉冉千嶂琉璃淺

前調

毛滂

梅花初謝雪後寒微峭誰送一城春綺羅香風光窈窕

插花走馬天近寶鞭寒金波上玉輪邊不是紅塵道
玻璃山畔夜色無由到深下水晶簾擁嚴妝鉛華相照
珠樓渺渺人月兩嬋娟尊前月月中人相見年年好

前調

楊花

毛滂

雪空香徑撲撲飛絮柔弱不勝春任東風吹來吹去
牆陰花外一片落誰家葉依依煙鬱鬱依舊如張緒
那人拈得吹向釵頭住不定却飛揚滿眼前攪人情悵
蜂兒蝶子教得越輕狂隔斜陽點芳草斷送青春暮

前調

送蔡元長

李元膺

溪堂歡燕慣捧玻璃盞今日祖西城更忍把一杯重勸
別離情味自古不堪秋催淚雨濕西風腸共危絃斷
夕陽去路五馬旌旗亂便是古都春應醉戀曲江池館
須知別後疊翠倚闌情青嶂晚碧雲深日近長安遠

前調

天穿節

葛勝仲

望雲門外油壁如流水空巷逐朱幡步春風香河七里
冶容袿服摸石道宜男穿翠靄度飛橋影在清漪裏

秦頭楚尾千古風流地試問漢江邊有解珮行雲舊事
主人傾客一笑強頌春燒燈後賞花前遙憶年年醉

前調

葛勝仲

出門西笑千里長安道不用引離聲便登庸十洲三島
畫船珠箔蘋末水風涼隋岸柳楚臺人景與人俱好
應嗟見晚玉殿生清曉正是妙年時步承明謀身須早
輶車遠使新逐凱歌回恩綈重綵衣輕嘉慶知多少

前調

游甘露寺

張表臣

樓橫壯固盡日厭厭雨欵乃數聲歌但渺漠江山煙樹
寂寥風物三五過元宵尋柳眼覓花鬚春色知何處
落梅鳴咽吹徹江城暮脈脈數飛鴻杳歸期東風凝竚
長安不見煙起夕陽間魂欲斷酒初醒獨下危梯去

前調

周紫芝

月眉星眼閨苑真仙侶嬌小正笄年每當筵愁歌怕舞
水亭煙樹春去已無蹤桃源路知何處往事如風絮
如今聞道悞翦香雲縷閒繫小烏紗更無心淺勻深注

三山路杳終不是人間知誰與吹簫女共駕青鸞去

前調

月夜

謝逸

霜清木落深院簾櫳靜池面卷煙波瑩香水一匳明鏡
修筠拂檻疎節晚嬋娟山霧歛水雲收野闊江天迴
紅銷醉玉酒面風前醒羅幙護輕寒錦屏空金鑪燼冷
星橫參昴梅徑月黃昏清夢覺淺眉顰牕外橫斜影

前調

周邦彥

湖平春水荇藻繁船尾空翠撲衣襟拊輕榔游魚驚避

晚來潮上迤邐沒沙痕山四倚雲漸起鳥度屏風裏
周郎逸興黃帽侵雲水落日媚滄洲泛一棹夷猶未已
玉簫金管不共美人遊因甚箇煙霞底偏愛尊羹美

前調

周邦彥

樓前疎柳柳外無窮路翠色四天垂數峯青高城閣處
江湖病眼偏向此山明愁無語空凝竚兩兩昏鴉去
平康巷陌往事如花雨十載却歸來倦追尋酒旗戲鼓
今宵幸有人似月嬋娟霞袖舉杯深注一曲黃金縷

前調

周邦彥

江天雪意夜色寒成陣
翠袖捧金蕉酒紅潮香凝粉暈
簾波不動新月澹朧明香破豆燭頻花減字歌聲穩
恨睂羞歛往事休重問人去小庭空有梅梢一枝春信
檀心未展誰為採芳叢消瘦盡洗妝勻應更添風韻

前調

晁端禮

風流心膽直把春償酒選得一枝花綺羅中算來未有
名園翠苑風月最佳時夜迢迢車款款是處曾攜手

重來一夢池館皆依舊幽恨寫新詩託何人章臺問柳
漁舟歸後雪鎖武陵溪水潺潺花片片棹空回首

前調

曹組

草薰風暖樓閣籠輕霧牆短出花梢映誰家綠楊朱戶
尋芳拾翠綺陌自青春江南遠踏青時誰念方羈旅
昔游如夢空憶橫塘路羅襖舞臺風想桃花依然舊樹
一懷離恨滿眼欲歸心山連水水連雲悵望人何處

前調

梅

曹組

洗妝真態不在鉛華御竹外一枝斜想佳人天寒日暮
黃昏院落無處著清香風細細雪垂垂何況江頭路
月邊踈影夢到銷魂處結子欲黃時又須作廉纖細雨
孤芳一世供斷有情愁銷瘦損東陽也試問花知否

前調

沈會宗

想伊不住船在藍橋路別語未甘聽更忍問而今是去
門前楊柳幾日轉西風將行色欲留心忽忽城頭鼓
一番幽會只覺添愁緒邂逅却相逢又還有此時歡否

臨岐把酒莫惜十分斟尊前月月中人明夜知何處

前調

蔡伸

孤城暮角落月邊聲靜醉袖拂危闌對天末孤雲愁凝
吳津楚望表裏抱江山山隱隱水迢迢滿目江南景
羈懷易感往事傷重省羅袂裛衰香鬢星星忍窺青鏡
瓊英好在應念玉闕遙凝淚眼下層樓回首平林暝

前調

百花洲
席上

葉夢得

一年春事常恨風和雨趁取未殘時醉花前春應相許

山翁倒載日暮習池回問東風春知否莫道空歸去
滿城歌吹也似春和豫爭笑使君狂占風光不教飛絮
明朝酒醒滿地落殘紅唱新詞追好景猶有君收取

前調

聞琵琶有感

趙長卿

壺天冰雪消盡虛堂暑多謝故人情送飛花香傳小樹
香風初過一曲斷腸聲如怨訴訴閒愁落落琵琶語
江邊馬上彈指成千古淚眼與啼妝歎風流只今何處
芳心役損觸事起悲酸招玉素撥檀槽整理金衣縷

前調

張元幹

一番小雨陡覺添秋色桐葉下銀牀又送箇淒涼消息
故鄉何處搔首對西風衣線斷帶圍寬衰鬢添新白
錢塘江上冠蓋如雲集駿馬傍朱門誰肯念塵埃倦客
佳人信杳日暮碧雲深樓獨倚鏡頻看此意無人識

前調

九日

劉子翬

浮煙冷雨此日還重九秋去又秋來但黃花年年依舊
平臺戲馬無處問英雄茅舍小竹籬疎兀坐空搔首

客來何有草草三杯酒一醉萬緣空休貪他金印如斗
山翁倦矣誰共賦歸與芟隴麥網溪魚未落他人後

前調

坤寧殿應制
賦照水梅花

曾覲

催花小雨輕把香塵灑簾捲水亭風梅影轉夕陽初下
靚妝窺檻駕甃湛清漪浮暗麝翦芳瓊消得連城價
玉樓十二寒怯銖衣掛曾是綠華仙眷餘情新詞如畫
花隨人聖須信世無雙鵬鳳吹駐鷺輿堪與瑤池亞

前調

暮秋賞
梨花

曾覲

凋紅減翠正是清秋杪深院嫋香風看梨花一枝開早
瓏璁映面依約認嬌顰天澹澹月溶溶春意知多少
清明池館芳信年年好更向五侯家把江梅風光占了
休教寂寞辜負向人心檀板響寶杯傾潘鬢從他老

前調

醪醑

楊无咎

天姿雅素不管羣芳妒微笑倚春風似窺宋牆頭凝竚
一春花草陡覺更無香懸繡帳結羅巾誰更熏沈炷
可堪開晚未放韶光去生怕慘庭階直不忍蒼苔散步

會須開宴滿摘蘸瑤觴何況有綺牕人嬌鬢相宜處

前調

木樨

楊无咎

蟾宮仙種幾日飄鴛鴦密葉繡團圓似翦出佳人翠裊
葉間金粟簌簌糝枝頭黃菊嫩碧蓮披獨對秋容瘦
濃香馥郁庭戶宜熏透十里遠隨風又何必凭闌細嗅
明犀一點暗裏為誰通秋夜永月華寒無寐聽殘漏

前調

建康郡園
賞芍藥

侯寘

玉麟春晚綠徧甘棠蔭可是惜花深旋移得翻堦紅影

朱簾捲起如在古揚州
寶纓絡玉盤盂嬌豔交相映
蓬萊殿裏幾樣春風鬢
生怕逐朝雲更羅幕重重遮
定多情絳蠟常見醉時容
紫舞袖簌歌塵莫負良宵永

前調

停雲竹
遇初成

辛棄疾

小橋流水欲下前溪去
喚起故人來伴先生風煙杖履
行穿窈窕時歷小崎嶇
斜帶水半遮山翠竹栽成路
一尊遐想剩有淵明趣
山上有停雲看山下濛濛細雨
野花啼鳥不肯入詩來
還一似笑翁詩自沒安排處

前調

張孝祥

雄風豪雨時節清明近
簾幙起輕寒
煥紅爐笑翻灰燼
陰藏遲日欲驗幾多長
繡工慵圍碁
倦香篆頻銷印
茂林芳徑綠變紅
添潤桃杏意酣酣
占前頭一番花信
華堂尊酒但作豔陽歌
禽聲喜流雲盡
明日春遊俊

前調

程垓

老來風味是事都無可
只愛小書舟
賸圍著琅玕幾箇
呼風約月隨分樂
生涯不羨富
不憂貧
不怕烏蟾墮

三杯徑醉轉覺乾坤大醉後百篇詩儘從他龍吟鶴和
升沈萬事還與本來天青雲上白雲閒一任安排我

前調

效樵
歌體

吳 儆

清晨早起小閣遙山翠顏面整冠巾問寢罷安排菽水
隨家豐儉不羨五侯鯖輒煮肉熟炊秔適意為甘旨
中庭散步一琰雲濤細迤邐竹洲中坐息與行歌隨意
逡巡酒熟呼喚社中人花下石水邊亭醉便頽然睡

前調

吳 儆

園林何有修竹搖蒼翠春到小桃蹊看綠滿一池春水
花開日暖兒姪競追隨挑野菜網溪魚有酒多且旨
去來聚散無必亦無意說地或談天更休問語言粗細
誰強誰弱誰是又誰非過去事未來事一枕騰騰睡

前調

梅花用曹
元寵韻

袁去華

蕊珠宮闕西帝陳嬪御語笑夢中香歎羅浮幾番春暮
江南歲晚垂地凍雲黃修竹外一枝斜流水橋邊路
小桃半吐羞得無藏處不怕雪霜欺最難禁豪風橫雨

當年詩興猶自記揚州
今老矣客天涯還認何郎否

前調

初春

張震

春光如許春到江南路
柳眼弄晴暉笑梅花落英無數
峭寒庭院羅幙護
紗金鴨暖錦屏深
曾記看承處
雲邊尺素何計傳
心縷無處說相思
空惆悵朝雲暮雨
曲闌干外小立近黃昏
心下事眼邊愁借問春知否

前調

春半

張震

青梅如豆斷送春歸去
小綠間長紅看幾處
雲歌柳舞

偎花識面對月共論心
攜素手採香游踏徧西池路
水邊朱戶曾記銷魂處
小立背秋千空悵望娉婷韻度
楊花撲面香糝一簾風
情脈脈酒厭厭回首斜陽暮

前調

杜旗

春風如客可是繁華主
紅紫未全開早綠徧江南
千樹一番新火多少倦游人
纖腰柳不知愁猶作風前舞
小闌干外兩兩幽禽語
問我不歸家有佳人天寒日暮
老來心事惟只有春知
江頭路帶春來更帶春歸去

前調

海棠

王千秋

清明池館側臥簾初卷還是海棠開睡未足餘酲滿面
低頭不語渾似怨東風心始吐又驚飛交現垂楊眼
少陵情淺花草題評徧賦得惡因緣沒一字聊通繾綣
黃昏時候凝竚怯春寒籠翠袖減豐肌脈脈情何限

前調

題錢氏
溪月

姜夔

與鷗為客綠野留吟屐兩行柳陰垂是當年仙翁手植
一亭寂寞煙外帶愁橫荷冉冉展涼雲橫臥虹千尺

才因老盡秀句君休覓萬綠正迷人更愁入山陽夜笛
百年心事惟有玉闌知吟未了放船回月下空相憶

前調

送伯禮

陸游

元戎十乘出次高唐館歸去舊鵷行更何人齊飛霄漢
瞿塘水落惟是淚波深催疊鼓起牙樯難鎖長江斷
春深黿禁紅日宮甍暝何處望音塵黯消魂層城飛觀
人情見慣不敢恨相忘梅驛外蓼灘邊只待除書看

前調

游三榮龍洞

陸游

窮山孤壘臘盡春初破寂寞掩空齋好一箇無聊底我
嘯臺龍岫隨分有雲山臨淺瀨蔭長松閒據交牀坐
三杯徑醉不覺紗巾墮畫角喚人歸落梅村籃輿夜過
城門漸近幾點妓衣紅官驛外酒壚前也有閒燈火

前調

謝懋

厭厭睡起無限春情緒柳色借輕煙尚瘦怯東風倦舞
海棠紅皺不奈晚來寒簾半捲日西沈寂寞閒庭戶
飛雲無據化作溟濛雨愁裏見春來又只恐愁催春去

惜花人老芳草夢淒迷題欲徧瑣牕紗總是傷春句

前調

易被

海棠枝上留得嬌鶯語雙燕幾時來竝飛入東風院宇
夢回芳草綠徧舊池塘梨花雪桃花雨畢竟春誰主
東郊拾翠襟袖霑飛絮寶馬趁雕輪亂紅中香塵滿路
十千斗酒相與買春閒吳姬唱秦娥舞拚醉青樓暮

前調

汪莘

金風玉露洗出乾坤體乘興到前村見一片清溪無底

竹籬茅舍雞犬兩三家尋漁父問湘靈拄杖斜陽裏
青春悞我白髮今如此幸自識方壺有箇人神通遊戲
澗邊野鶴巖上忽孤雲傾濁酒對黃花又似東籬子

前調

洪璚

潮平風穩行色催津鼓回首望重城但滿眼紅雲紫霧
分香解珮空記小樓東銀燭暗繡簾垂昵昵凭肩語
闕山千里垂柳河橋路燕子又歸來但惹得滿身花雨
彩箋不寄蘭夢更無憑燈影下月明中魂斷金釵股

前調

方千里

園林晴晝花上黃蜂尾鶯語怯遊人又還傷綠楊深避
曲池斜徑草色碧於藍欄倦倚簾半起魂斷斜陽裏
江南春盡渺渺平橋水身在一天涯問此恨何時是已
飛帆輕槳催送暮愁來歌舞地尊酒底不羨東鄰美

前調

楊澤民

當年蘇小家住苕溪尾一棹采蓮歸悄羞得鴛鴦飛避
蘋洲蓼岸花臉兩難分崖平倚風乍起蕩漾煙花裏

平生強項未肯輕魚水溪上偶相逢這一段風情怎已
紉蘭解珮不負有情人金尊側羅帳底占盡人間美

前調

盧炳

淡妝西子怎比西湖好南北兩長堤有罨畫樓臺多少
翠光千頃一片淨琉璃泛蘭舟搖畫槳盡日金尊倒
名園精舍總被遊人到年少與佳人共攜手嬉遊歌笑
夕陽西下沈醉盡歸來鞭寶馬鬧竿隨簇著花藤轎

前調

花港
觀魚

陳允平

春波浮綠小隱桃溪路煙雨正林塘翠不碍錦鱗來去
芹香藻膩偏愛鯉花肥簷影下柳陰中逐浪吹萍絮
銅溝泉滑怕有題牋句釣餌已忘機都付與人間兒女
濠梁興在鷗鷺笑人癡三湘夢五湖心雲水蒼茫處

前調

石孝友

鷺鷥燕燕搖蕩春光嬾時節近清明雨初晴嬌雲弄暖
醉紅溼翠春意釀成愁花似染草如翦已是春強半
小鬟微盼分付多情管癡騃不知愁想怕晚貪春未慣

主人好事應許玳筵開歌眉斂舞腰軟怎便輕分散

前調

石孝友

小花靜院有箇人人現縹緲更娉婷算不數歌朋舞伴
鳴珂曲里常記偶相逢無語恨有情愁綠嫩紅妝淺
別來誰念人面闌山遠凝睇倚危樓眼波長睂峰不展
一年心事到此向誰論書鴈杳夢雲深寂寞江天晚

前調

石孝友

醉魂初醒強記尋芳徑一似楚雲歸悄沒了鱗書羽信

踈狂蹤跡虛度可憐春陰還悶愁還困贏得無端病
菱花寶鏡拆破雙鴛影別袖忍頻看生怕見啼紅醉粉
而今顚顚瘦立對東風紅成陣綠成陰況是春將盡

前調

雪二首

何夢桂

春工未覺何處瓊英早夜半翦銀河到人間樓臺初曉
霏霏脈脈不是不多情金帳暖玉堂深却怪香塵杳
天公謫下暫落紅塵道顏色自還憐怕輕狂隨風顛倒
冰心誰訴但吹入梅花明月地白雲階相照天寒好

前調

何夢桂

飛僊欲下水殿嚴妝早嬌澀怕春知跨白虬天門未曉
霓裳零亂肌骨自清妍梅簷月柳橋風世上紅塵杳
重門深閉忘却山陰道呼酒嚼瓊花任醉來玉山傾倒
無言相對這歲暮心期茆舍外玉堂前處處風流好

前調

蔡松年

清明綠野玉色明春酒燕地雪如沙為喚起斗南溫秀
鬢絲禪榻夢覺古揚州瑤臺路返魂香好在啼妝瘦

春前入眼似是章臺柳欲典鸛鸛裘悞金車香迎馬首
綠陰青子後日便東風秋千散暮寒生月到西廂後

前調

賦崇福
荷花

趙可

雲房西下天共滄波遠走馬記狂遊正芙蓉平鋪鏡面
浮空欄檻招我到芳尊看花醉把花歸扶路清香滿
水楓舊曲應逐歌塵散時節又新涼料開徧橫湖清淺
冰姿好在莫道總無情殘月下曉風前有恨何人見

前調

餉柑

張堃

洞庭珍味喚起愁千里萬顆曉霜餘記當時玉纖分翠
小園秋晚半醉對黃花驚昨夢渺前歡歲月如彈指
天涯牢落無計論心事冉冉驛塵紅尚依然襲人芳氣
帋羅輕護不忍破金苞香簌簌露霏霏總是相思淚

前調

劉基

簷鈴風過昵昵閨中語月上海東峰冷光浸澄清玉宇
幽人此際輕步遶回廊鼃鳴沼鴉翻樹露滴松梢雨
蘆花初老也學楊花絮袞袞趁流塵半沾泥半飄陌路

不須看戲且自買芳尊已渝曲婆娑舞醉飲朝還暮

前調

劉基

清明過了簾幙餘寒淺芳樹不勝風任流水飄紅去遠
煙昏雨暝天襯海雲低鶯意嬾蝶魂消花盡成秋苑
游絲落絮特地相縈絆無計網春暉漫贏得遮人望眼
登高凝睇欲寄一緘書鴻路阻豹闕深日暮空腸斷

前調

劉基

三更鳴雨溼透桃花臉珠箔未登鉤早飄落猩紅數點


碧雲如夢人去已無蹤
金泥鳳玉蟠龍寂寞蛛絲檢
鉛華柔軟剛被秋霜染
長夜擁寒衾耿青燈膏凝暈
閃銅壺漏永應是接天河
一聲去一聲來空把重門掩

前調

寒食

陳子龍

碧雲芳草極目平川
繡翡翠點寒塘雨霏微
淡黃楊柳玉輪聲斷
羅幃印花陰桃花透
梨花瘦偏試纖纖手
去年此日小院重回首
暈薄酒闌時擲春心
暗垂紅袖韶光一樣
好夢已天涯斜陽候
黃昏又人落東風後



御選歷代詩餘卷五十一

欽定四庫全書

集部

御選歷代詩餘卷五十二

詳校官中書臣潘有為

侍讀臣孫球覆勘

總校官進士臣朱 鈐

校對官主事臣陳文樞

謄錄監生臣方汝觀

欽定四庫全書

御選歷代詩餘卷五十二目錄

起八十三字
至八十五字

洞仙歌

又一體

蘇軾

晁補之

葛郟

二首

王安中

劉一止

劉光祖

韓滄

沈端節

二首

蔣捷

張炎

二首

趙君舉

汪元量

姚雲文

周用

前調

又一體

李元膺

清波引

張炎

滿路花

秦觀

周邦彥

方千里

二首

陳允平

二首

周用

前調

又一體

呂渭老

黃鶴引

無名氏

淒涼犯

張炎

迷仙引

柳永

洞仙歌

又一體

晏幾道

二首

李邕

辛棄疾

蔣捷

前調

又一體

段弘章

前調

又一體

阮閱

蕙蘭芳引

周邦彥

方千里

楊澤民

陳允平

夢玉人引

又一體

朱敦儒

千秋引

李冠

兀令

賀鑄

少年游慢

欽定四庫全書

御選歷代詩餘

卷五十二目錄

張先

鶴冲天

又一體

賀鑄

祭天神

柳永

踏青遊

王詵

中興樂

又一體

李珣

五福降中天

無名氏

清波引

又一體

姜夔

傾杯近

索去華

滿路花

又一體

呂勝已

八六子

李黃

洞仙歌

又一體

晁補之

葛郊

三首

李元膺

京鏗

盧祖皋

高觀國

無名氏

元好問

李俊民

詹正

前調

又一體

晁補之

前調 又一體

管鑑

夢玉人引 又一體

范成大 二首

陳三聘 二首

華胥引

周邦彥

祭天神 又一體

柳永



選歷代詩餘卷五十二目錄

欽定四庫全書

御選歷代詩餘卷五十二

起八十三字至八十五字

司經局洗馬掌局事翰林院修撰加二級臣王奕清奉

旨校刊

洞仙歌

又一體雙調
八十三字

洞仙歌

蘇軾

冰肌玉骨自清涼無汗水殿風來暗香滿繡簾開一點

明月窺人人未寢
敔枕釵橫鬢亂
起來攜素手庭戶
無聲時見疎星度
河漢試問夜如何
夜已三更金波澹
玉繩低轉但屈指
西風幾時來又不
道流年暗中偷換

前調 菊

晁補之

今春閨好怪重陽
菊早滿檻煌煌
看霜曉喚金錢翠羽
不稱標容瀟灑意
陶令詩中能道
不應誇絕豔曾如
春華因甚東君意
不到又似鎖三千
漢女偏教明妃怨
西風邊草也何必
牛山苦沾衣算只
好龍山醉狂吹帽

前調

納涼

葛郊

瑤樓十二無限神仙侶
紫紱丹麾彩鸞馭
步虛聲杳靄
碧落天高微雲淡
點破瑤堦白露
暗香來水閣冰簟
紗幬一枕風輕自無暑
更上水晶簾斗挂闌干
銀河淺
天孫將渡終不如歸去
在苕川看千頃菰蒲亂鳴秋雨

前調

次夜再賞月

葛郊

藐姑仙子天外誰為侶
八極浮游氣為馭
看朝餐沆瀣
暮飲醍醐瑤臺冷
吹落九天風露
翠空雲幙淨寶鑑

無塵碧樹秋來暗消暑殘夜水明樓影落寒溪行人起
沙頭喚渡任角聲吹落小梅花夢不到漁翁一蓑煙雨

前調

王安中

深庭夜寂但涼蟾如畫鵲起高槐露華透聽曲樓玉管
吹徹伊州金釧響軋軋朱扉暗叩迎人巧笑道好箇
今宵怎不相尋暫攜手見澹淨晚妝對月偏宜多情更
越饒纖瘦怨早促分飛霎時休便恰似陽臺夢雲歸後

前調

梅

劉一止

細風輕霧鎖山城清曉冷蕊疎枝為誰好對斜橋孤驛
流水濺濺無限意清影徘徊自照何郎空立馬惱亂
餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲堦負伊多少

前調

荷花

劉光祖

晚風收暑小池塘荷淨獨倚胡牀酒初醒起徘徊時有
香氣吹來雲藻亂葉底游魚動影空擎承露蓋不見
冰容惆悵明妝曉驚鏡後夜月涼時月淡花低幽夢覺

欲憑誰省且應記臨流凭闌干便遙想江南紅酣千頃

前調

次韻斯遠所賦清溪一曲

韓流

溪山好處贏得題新曲待足人生甚時足問臨流情味
倚徧斜暉應似畫小景生綃一幅漁舟聲欸乃巖上
雲飛杳杳歸鴉去鴻逐任當日伊呂談笑興王爭敵恁
閒眠野宿待雪天月夜我還來醉瀟灑清幽那些兒屋

前調

雪

沈端節

夜來驚怪冷逼流蘇帳夢破初聞竹牕響向曉開簾看

凌亂寒光清興發鶴氅誰同縱賞
江南春意動梅竹

潛通醉帽衝風自來往慨念故人疎便理扁舟須信道
吾曹清曠待石鼎煎茶洗餘醺更依舊歸來淺斟低唱

前調

沈端節

重陽近也漸秋光淒勁宿雨初收好風景正干戈耆定
未黍豐登人意樂歌舞賢侯美政
醉翁遊歷處勝槩
依然木落淮南見山影有客共登臨醉裏疎狂敲烏帽
從嘲雪鬢但目送孤鴻傍危闌笑問道黃花似誰風韻

前調

對雨
思友

蔣捷

世間何處最難忘
杯酒唯是停雲想
親友此時無一盞
千種離愁西風外
長伴枯荷衰柳
去年深夜雨傾倒
書牕短燭心懸小
紅豆記得到門時
雨正瀟瀟嗟今雨
此情非舊待與子
相期采黃花又未
卜重陽果然晴否

前調

觀王澤山花
外詞有感

張炎

野鷗啼月便角巾
還第輕擲詩瓢付
流水最無端小院
寂歷春空門自掩
柳髮離離如此
可惜歡娛地雨冷

雲昏不見當時譜銀字舊曲怯重翻總是離愁淚痕灑
一簾花碎夢沉沉知道不歸來尚錯問桃根醉魂醒未

前調

寄茅峰
梁中砥

張炎

中峰壁立挂飛來孤劍蒼雪紛紛墮晴蘚自當年詩酒
客裏相逢春尚好鷗散煙波茂苑只今誰最老種玉
人間消得梅花共清淺問我入山期但恐山深松風把
紅塵吹斷望蓬萊知隔幾重雲料只隔中間白雲一片

前調

趙君舉

荒山明月下有雲來去
深夜纖毫靜可數問古今底事
留此空光修月戶猶是當年玉斧
思君持羽扇來伴
微吟水珮風環飲松露待勾漏丹成約與輕飛人間世
不知歸處更長嘯餘聲振林谿見亂紅驚飛半品花雨

前調

汪元量

西園春暮亂草迷行路風捲殘花墮紅雨
念舊巢燕子
飛傍誰家斜陽外長笛一聲今古
繁華流水去舞歇
歌沉忍見遺鈿種香土漸橘樹方生桑枝纔長都付與

沙門為主便關防不放貴游來又窺兀梯空梵王宮宇

前調

姚雲文

燕窠香濕誤天涯芳信社近陰晴未前定聽鶯簧宛轉
似羽疑宮歌未斷落落舊愁都醒踈狂追少日杜曲
樊樓拚把黃金買春恨回首武陵溪花侍郎歸洞雲深
未知春盡問楊柳梢頭幾枝青消不得朝來雨寒一陣

前調

重午

周用

客中今日恰江南端午數點弄晴梅子雨正清溪華屋

長晝初筵呈畫扇更有香蘆角黍
簌簌催羯鼓燕燕
鶯鶯當面盈盈試歌舞故事香難尋天上佳期人傳道
牛郎織女待羅袖明朝酒消痕記玉臂凝香綵絲雙縷

前調

又一體

李元膺

簾纖細雨殢東風如困縈斷千絲為誰恨向楚宮一夢
多少悲涼無處問愁到而今未盡分明都是淚泣柳
沾花常與騷人伴孤悶記當年得意處酒力方酣怯輕
寒玉鑪香潤又豈識情懷苦難禁點滴簷聲夜寒燈暈

清波引

雙調八

十三字

清波引

送別湖
湘廉使

張炎

江濤如許更一夜聽風聽雨短篷客與盤礴那堪數弭
節澄江樹不為尊鱸歸去怕教冷落蘆花誰招得舊鷗
鷺寒汀古渚盡日無人喚渡此中清楚寄情在譚塵
難覓真閒處肯被水雲留住冷然棹入中流去天尺五
滿路花

或加促拍二字雙調八十三字有名歸去難者按之與此無異蓋即滿路花之別名非另有一調也

滿路花

秦觀

露顆添花色月彩投窓隙春思如中酒恨無力洞房咫尺曾記青鸞翼雲散無蹤跡羅帳更殘夢回無處尋覓輕紅膩白步步薰蘭澤約腕金環重宜裝飾未知安否一向無消息不是尋常憶憶後教人片時存濟不得

前調

周邦彥

金花落燼燈銀礫鳴牕雪庭深微漏斷行人絕風扉不

定竹圍琅玕折玉人新間闊著這情懷更當恁地時節
無言敲枕帳底流清血愁如春後絮來相接知他那
裏爭信人心切除共天公說不成也還似伊無箇分別

前調

方千里

簾節月影金風捲楊花雪天邊鴻鴈少音塵絕春光欲
暮客子歸心折江湖波浪闊目斷家山料應易過佳節
柔情千點杜宇枝頭血危腸知寸斷誰能接眠思夢
憶不似今番切欲對何人說攬鏡沉吟瘦來須有差別

前調

方千里

鶯飛翠柳搖魚躍浮萍破斑斑紅杏子交榴火池臺晝
永繚繞花陰裏山色遙供座枕簟清涼北牕時喚高卧
翻思少年走馬銅駝左歸來敲鐙月留關鎖年華老
大事逐浮雲過今吾非故我那日尊前祇今問有誰呵

前調

陳允平

離歌泣斷雲別舞愁飛雪鳳皇臺上望瓊簫絕釵分玉
燕寸寸回腸折碧空歸鴈閣猶有疎梅歲寒獨伴高節

皎綃羅帕淚灑臙脂血悠悠江上水天連接朱樓徧
倚萬里空情切此恨憑誰說天若有情料天須有區別

前調

陳允平

寒輕菊未殘春小梅初破獸爐閒撥盡松明火青氈錦
幄四壁新裝裏裊暖香薰座繡擁銀屏綵鸞空伴雲卧
相思何處夢入藍橋左歸期還細數愁眉鎖薄情孤
鴈不向樓西過故人應怪我怪我無書有書還倩誰呵

前調

周用

風前滿地花雨後連天草今年三月裏春歸早低雲薄
霧猶自憐清曉金尊須更倒無奈離愁為他轉傷懷抱
繡簾斜捲畫靜聞啼鳥韶華剛九十勾銷了綠波無
賴點點青荷小寄語春知道桃李多情莫教惜春人老

前調

又一體

呂渭老

西風晴日短小雨菊花寒斷雲低古木暗江天星娥尺
五佳約誤當年小語凭肩處猶記西園畫橋斜月闌干
鳥啼花落春信遣誰傳尚容春夜夢小留連青樓何

處寶鏡注嬋娟應念紅箋事微暈春山背
窓愁枕孤眠
黃鶴引

雙調八
十三字

黃鶴引

無名氏

生逢垂拱不識干戈免田隴士林書圃終年庸非天寵
才粗闢茸老去支離何用浩然歸算是黃鶴秋風相送
塵事塞翁心浮世莊生夢漾舟遙指煙波羣山森動
神閒意聳回首利韃名鞍此情誰共問幾許淋浪春甕

淒涼犯

犯或作調雙調八十三字宋姜夔自度曲但
姜詞九十三字此少字者又後人所損也

淒涼犯

張炎

西風暗翦荷衣碎藕絲不解重緝荒煙斷浦晴暉零亂
半江搖碧悠悠望極忍獨聽秋聲淅瀝更憐他柳髮蕭
疎相與動秋色老態今如此猶自留連醉筇吟屐不
堪瘦影渺天涯盡成行客因甚忘歸漫吹裂山陽夜笛

迷仙引

與迷神引無涉
雙調八十三字

迷仙引

柳永

才過笄年初綰雲鬟便學歌舞席上尊前王孫隨分相
許算等閒酬一笑但千金慵覷常只恐薜華容易偷換
光陰虛度已受深恩願好與花為主萬里丹霄何妨
攜手同去去永棄却煙花伴侶免教人得見朝雲暮雨

洞仙歌

又一體雙調
八十四字

洞仙歌

晏幾道

春殘雨過綠暗東池道玉艷藏羞媚
笑記當時已恨飛鏡歡疎那至此
仍苦題花信少連環情未已物是人非
月下疎梅似伊好淡秀色黯寒香
粲若春容何心顧閒花凡草但莫使
情隨歲華遷便香隔秦源也須能到

前調

柳

晏幾道

江南臘盡早梅花開後分付新春與
垂柳細腰肢自有

入格風流仍更是骨體清英雅秀 永豐坊那畔盡日
無人惟見金絲弄晴晝斷腸是飛絮時綠葉成陰無箇
事一成消瘦又莫是東風逐君來便吹散眉間一點春
皺

前調

柳花

李 邴

一團纖軟是將春揉做撩亂隨風到何處自長亭人去
烟草淒迷歸未定妝點離愁無數 飄揚無箇事剛被
縈牽長是黃昏怕微雨記那回深院靜簾幙低垂花陰

下霎時留住又只恐伊家忒疎狂便驀地和春帶將歸去

前調

浮石山莊

辛棄疾

松關桂嶺望青葱無路費盡銀鈎榜佳處悵空山歲晚
窈窕誰來須著我醉卧石樓風雨 仙人瓊海上握手
當年笑許君攜半山去剗疊嶂卷飛泉洞府淒涼又却
怕先生多取怕夜半羅浮有時還好長把雲煙再三遮
住

前調 柳

蔣捷

枝枝葉葉受東風調弄便是鶯穿也微動自鵝黃千縷
數到飛絲閒無事誰管將春迎送輕柔心性在教得
遊人酒舞花吟恣狂縱更誰家鸞鏡裏貪學纖蛾移來
傍妝樓新種總不道江頭鎖清愁正雨渺煙茫翠陰如
夢

前調 又一體
茶蘼

段弘章

一庭晴雪了東風孤注睡起濃香占牕戶對翠蛟盤雨

白鳳迎風知誰見愁與飛紅流處想飛瓊弄玉共駕
蒼煙欲向人間挽春住清淚滿檀心如此江山都付與
斜陽杜宇是曾約梅花帶春來却又自趁梨花送春歸
去

前調

又一體

阮閱

趙家姊妹合在昭陽殿因甚人間有飛燕見伊底盡道
獨步江南便江北也何曾慣見惜伊情性好不解嗔
人長帶桃花笑時臉向尊前酒底見了須歸似恁地能

得幾回細看待不眨眼兒覷著伊將眨眼工夫看伊幾
徧

蕙蘭芳引

本仙呂曲也後以名
詞雙調八十四字

蕙蘭芳引

周邦彥

寒瑩晚空點青鏡斷霞孤鶩對客館深局霜草未衰更
綠倦游厭旅但夢繞阿嬌金屋想故人別後盡日空疑
風竹塞北艷飀江南圖幃是處溫燠更花管雲箋猶

寫寄情舊曲音塵迢遞但勞遠目今夜長爭奈枕單人獨

前調

方千里

庭院雨晴倚斜照睡餘雙鷺正學染修蛾官柳細勻黛
綠繡簾半捲透笑語瑣窓華屋帶脆聲咽韻遠近時聞
絲竹乍著單衣纔拈團扇氣候暄燠趁驕馬香車同
按繡坊畫曲人生如寄浪勤耳目歸醉鄉猶勝旅情愁
獨

前調

池亭畫橋
宴舞作

楊澤民

命酌池亭簾初下散飛鳬驚乍風約雲開遙嶂幾眉橫
綠畫橋架月映四岸垂楊遮屋遠翠闌碧檻盡是新栽
花竹風送荷香涼生冰簟豈畏炎燠便催喚雙成看
舞相時麗曲及瓜雖近要娛我目教後人行樂亦非吾
獨

前調

陳允平

虹雨乍收楚天霽亂飛秋鶯漸秋色衰殘牆外土花晴

綠故山鶴怨流水自菊籬茅屋日暮詩吟就澹墨閒題
修竹更憶飄蓬霜縈風葛幾度涼燠歎歸去來兮何
日甬東一曲黃蘆滿望白雲在目但月明長夜伴人清
獨

夢玉人引

又一體雙調
八十四字

夢玉人引

朱敦儒

浪萍風梗寄人間倦為客夢裏瀛洲姓名誤題仙籍斂

翅歸來愛小園脫籜簪管碧新種幽花戒兒童休摘
放懷隨分各逍遙飛鷄等鵬翼舍此蕭閒問君攜杖安
適諸彥羣英詩酒皆勍敵太平時向花前不醉如何休
得

千秋引

一名淡紅綃雙
調八十四字

千秋引

李冠

杏花好仔細君須辨比早梅深天桃淺把鮫綃澹拂鮮

紅綻蠟融紫萼重重現烟外悄風中笑香滿院 欲綻
全開俱可羨粹美妖嬈無處選除卿卿似尋常見倚天
真艷冶輕朱粉分明洗出胭脂面追往事遠芳樹千千
偏

兀令

雙調八
十四字

兀令

賀 鑄

盤馬樓前風日好雪消塵埽樓上宮妝早認簾箔微開

一面嬌妍笑攜手別院重廊窈窕花房小
任碧羅牕曉間闌時多書問少鏡鸞空老身寄吳雲香想轆轤車
音幾度青門道占得春色年年隨處隨人到恨不如芳草

少年遊慢

雙調八
十四字

少年遊慢

張先

春城三二月禁柳飄絲未歇仙籞生香輕雲凝紫臨層

闕歌掌明珠滑酒臉紅霞發華省名高少年得意時節
畫刻三題徹梯漢同登蟾窟玉殿初宣銀袍齊脫生
仙骨花探都門曉馬躍芳衢闕宴罷東風鞭梢一行飛
雪

鶴冲天

又一體雙調
八十四字

鶴冲天

賀鑄

蓼蓼鼓動花外沉殘漏華月萬枝燈還清晝廣陌衣香

度飛蓋影相先後箇處頻回首錦坊西去期約武陵溪
口當時早恨歡難偶可堪流浪遠分攜久小畹蘭英
在輕付與何人手不似長亭柳舞風眠雨伴我一春消
瘦

祭天神

雙調八
十四字

祭天神

柳永

歎笑筵歌席輕拋繆背孤城幾舍煙村停畫舸更深釣

更歸來數點殘燈火被連絲宿酒醺醺愁無那 寂寞
擁重衾卧又聞得行客扁舟過蓬牕近蘭橈急好夢還
驚破念平生單栖蹤跡多感情懷到此厭厭向曉披衣
坐

踏青遊

雙調八
十四字

踏青遊

王詠

金勒狔鞍西城嫩寒春曉路漸入垂楊芳草過平堤穿

綠徑幾聲啼鳥是處裏誰家杏花臨水依約靚妝斜照
極目高原東風露桃煙島望十里紅圍綠繞更相將
乘酒興幽情多少待向晚從頭記將歸去說與鳳樓人
道

中興樂

又一體雙調
八十四字

中興樂

李 珣

後庭寂寂日初長翩翩蝶舞紅芳繡簾垂地金鴨無香

誰知春思如狂憶蕭郎等閒一去程遙信斷五嶺三湘
休開鸞鏡學宮妝可能更理笙簧倚屏凝睇淚落成
行手尋裙帶鴛鴦暗思量忍孤前約教人花貌虛老風
光

五福降中天

雙調八
十四字

五福降中天

無名氏

喜元宵三五縱馬御柳溝東斜日映珠簾瞥見芳容秋

水嬌嬌俊眼膩雪輕鋪素胸愛把菱花粉面露春葱
徘徊步嬾奈一點靈犀未通悵望七香車去慢展春風
雲情雨態願暫入陽臺夢中路隔烟霞甚時還許到蓬
宮

清波引

又一體雙調
八十四字

清波引

姜夔

冷雲迷浦倩誰喚玉妃起舞歲華如許野梅弄眉嫵履

齒印蒼蘚漸為尋花來去自隨秋鴈南來望江國渺何處
新詩漫與好風景長是暗度故人知否抱幽恨難
語何時共漁艇莫負滄浪烟雨況有清夜啼猿怨人良
苦

傾杯近

雙調八
十四字

傾杯近

袁去華

邃館金鋪半掩簾幙參差影睡起槐陰轉午鳥啼人寂

靜殘妝褪粉鬆髻敲雲慵不整儘無言手按裙帶遶花
逕酒醒時夢回處舊事何堪省共載尋春竝坐調箏
何時更心情盡日一似楊花飛無定未黃昏又先愁夜
永

滿路花

又一體雙調
八十四字

滿路花

瑞香

呂勝已

名花無影跡寒風日淒涼人間千萬樹歇芬芳紫微宮

女仙馭降霓裳名在仙班簿不屬塵凡洞天密鎖雲牕
遺璫連寶珥人世識天香凝寒承雨露傲冰霜凌波
仙子邂逅水雲鄉更約南枝友遊徧江南共歸三島扶
桑

八六子

雙調八
十四字

八六子

李演

乍鷗邊一番腴綠流紅又怨蘋花看曉吹約晴歸路夕

陽分落漁家輕寒半遮
紫情芳草無涯還報舞香一
曲玉瓢幾許春華正細柳青烟小桃朱戶去年人面誰
知此日重來繫馬東風澹墨敲鴉黯牕紗人歸綠陰自
斜

洞仙歌

又一體雙調
八十五字

洞仙歌

梅

晁補之

年年青眼為江梅腸斷一句新詩思無限向碧瓊枝上

白玉葩中春猶淺一點龍香清遠
誰拋傾國豔昨夜
前村都恐東皇未曾見正倚牆紅杏芳意濃時驚千片
何許飄零仙館待冰雪叢中看奇姿乍一笑能回上林
冬暖

前調

葛郊

風搖丹髻葉翦西巖樹歲律崢嶸又如許看千峰倒影
浮動觥船紗牕外萬幅鮫綃鬪舞
五絃彈不盡碧落
天高隱隱孤鴻向雲度送斜紅斂盡催上蟾鉤金風細

點破瑤階白露任笛聲吹殘一簾秋看人倚朱闌暮雲
高處

前調

葛郊

艣聲伊軋影轉雲間樹試問扁舟在何許正溪堂波動
沙渚蘋輕漁翁醉隔岸蓑衣對舞歸來無一事尊酒
相逢莫把光陰更虛度看歌雲杳靄重霧輕盈銀河轉
笑浥芙蓉曉露縱西風黃葉滿庭秋也不礙凝眸亂山
多處

前調

葛郊

丹青明滅霜著誰家樹滿眼風光向誰許送寒鴉萬點
流水孤村歸來晚月影三人夜舞金英秋已老蠟綴
寒葩空裏時聞暗香度任一枝瓶小數點釵寒佳人笑
飲盡牀頭玉露看紗牕紅日上三竿把蝶影捎空在花
深處

前調

李元膺

雪雲散盡放曉晴庭院楊柳於人便青眼更風流多處

一點梅心相映遠約略頻輕笑淺
一年春好處不在
濃芳小豔疎香最嬌軟到清明時候百紫千紅花正亂
已失春風一半早占取韶光共追遊但莫管春寒醉紅
自暖

前調

海棠

京鏜

東皇著意妙出妝春手點綴名花勝於繡向魚鳧國裏
琴鶴堂前仍共賞蜀錦堆紅炫晝
妖嬈真豔麗盡是
天然莫恨無香欠檀口幸今年風雨不苦摧殘還肯為

游人再三留否算魏紫姚黃號花王若定價收名未應
居右

前調

茉莉

盧祖皋

玉肌翠袖較似荼蘼瘦幾度熏醒夜牕酒問炎州何事
得許清涼塵不到一段冰壺翦就晚來庭戶悄暗數
流光細拾芳英黯回首念日暮江東偏為魂銷人易老
幽韻清標似舊正簾紋如水帳如煙更奈向月明露濃
時候

前調

高觀國

輕痕淺暈偷染春風面恰似西施影兒現擬新妝臨鑑
一段天真閒態度長恁香嬌玉軟從今懷袖裏不暫
相離似笑如顰在舒卷願芳容不老只似如今嬌不語
無奈情深意遠便雨隔雲疎暫分攜也時展丹青見伊
一見

前調

無名氏

斷雲疎雨冷落空山道匹馬駸駸又重到望孤村三兩

茅屋踈籬溪水畔一簇蘆花晚照
尋思行樂地事去
無痕回首湘波與天杳歎人生幾度能醉金釵青鏡裏
贏得朱顏未老又一點枝頭破黃昏問客路春風為誰
開早

前調

元好問

黃塵鬢髮六月長安道羞向清溪照枯槁似山中遠志
漫出山來成箇甚只道人間小草
昇平十二策丞相
封侯說與高人應笑倒對清風明月展放眉頭長恁地

大醉高歌也好待都把功名付時流只求箇天公放教
空老

前調

謝楊成
之寄梅

李俊民

隴頭瀟灑辜負尋芳眼
蕊浮花問名嬾縱看看驛使
帶得春來祇恐怕綠葉成陰子滿
暗香無恙否月落
參橫惆悵羅浮夢魂短
賴故人情重不減西湖花上月
分我黃昏一半更選甚南枝與北枝
是一種春風待爭
寒暖

前調

送張宗師捧香

詹正

醉騎黃鶴飛下紅雲島鐵笛吹寒洞天曉被人間識破
惹起虛名驚宇宙一笑天高月小仙槎人去後殿上
班頭除却洪崖總來少看天香袖裏散作東風吹不斷
海北天南都到試容我從游五陵間便吹入蒼寒一蓑
煙釣

前調

又一體
中秋

晁補之

青煙幕處碧海飛金鏡永夜閒階卧桂影露涼時零亂

多少寒蟬神京遠唯有藍橋路近 水晶簾不下雲母
屏開冷浸佳人淡脂粉待都將許多明月付與金尊投
曉共流霞傾盡更攜取胡牀上南樓看玉做人間素秋
十頃

前調

又一體
牡丹

管鑑

化工妙手慣與花為主忍便催殘任風雨翦姚黃移魏
紫齊集梁園春豔豔何必尊前解語 繡屏深照影簾
密收香夜久寒生費調護寶盆翻銀燭爛客醉忘歸共

惜此芳菲難遇看明年紫禁繞鶯花漫相望春風五雲
深處

夢玉人引

又一體雙調
八十五字

夢玉人引

范成大

送行人去猶追路再相覓天末交情長是合堂同席從
此尊前便頓然少箇江南羈客不忍匆匆少駐船梅驛
酒斟雖滿尚少如別淚萬千滴欲語吞聲結心相對

嗚咽燈火淒清笙歌無顏色縱別後儘相忘算也難忘
今夕

前調

范成大

共登臨處飄風袂倚空碧雨捲雲飛長有桂娥看客簫
鼓生春偏錦城如畫雪山無色一夢纔成恍天涯南北
舞餘歌罷料宣華回首盡陳迹萬里秦吳有情應問
消息我欲歸耕如何重來得故人若望江南且折梅花
相憶

前調

陳三聘

別來何處酒醒後夢難寬
晚日溪亭清曉便挂帆席滿
載離愁指去程還作江南行客目斷層城數迢迢山驛
素巾空染淚痕斑應是暗中滴記得輕分玉簫猶自
淒咽昨夜東風梅柳驚春色料伊也沒心情過却好天
良夕

前調

陳三聘

倚闌干久人不見暮雲碧芳草池塘春夢暗驚詩客昨

夜溪梅向空山雪裏輕勻顏色好贈行人折枝南枝北
雨中風帽昔追遊誰念舊蹤跡料得疎籬暗香時度
風息澹月微雲有何人消得便歸去路溪橋慰我經年
思憶

華胥引

雙調八
十五字

華胥引

周邦彥

川原澄映煙月冥濛去舟似葉岸足沙平蒲根水冷留

鴈唼別有孤角吟秋對曉風鳴軋紅日三竿醉頭扶起
還怯離思相縈漸看看鬢絲堪鐫舞衫歌扇何人輕
憐細閱點檢從前恩愛鳳箋盈篋愁翦燈花夜來和淚
雙疊

祭天神


又一體雙調
八十五字

祭天神

柳永

憶繡衾相向輕輕語屏山掩紅蠟長明金獸盛熏蘭炷

何期到此酒態花情頓辜負愁腸斷還是黃昏那更滿
庭風雨聽空階和漏碎聲鬪滴愁眉聚算伊還共誰
人爭知此冤苦念千里煙波迢迢前約舊歡省一向無
心緒



選歷代詩餘卷五十二